

蜀中方物

四



蜀中方物記卷之十

閩中曹學佺始著

服用

歐陽公至喜亭記蜀絲臬織文之富衣被天下褰宇
記益州貢柘蚕絲雲仙雜記杜甫寓蜀每蠶熟卽與
兒躬行乞曰如或相憫惠我一絲兩絲

庾肩吾使蜀武陵王蕭紀遺以白綺綾頻行謝啓略
云圖雲緝鶴鄴市稀逢寫霧傳花叢臺罕遇雖復馬
均騁思比巧猶慙虞卿受金方恩未重此扁舟獨迢
燕路有心載寶言歸銜珠無日今保寧出綾亦以白

色為佳寰宇記遂州樛蒲綾梓州水波綾嘉州烏頭綾閬州重蓮綾綿州小綾皆舊貢也

唐史明皇幸蜀至扶風軍士各懷去就而出醜言會益州貢春綵十萬匹悉命置於庭召諸將諭勞之曰會有此綵卿等即宜分取各圖去就寰宇記益州舊貢春羅即春綵也宋史仁宗一日內出蜀羅一端為印朱所漬者數重按今綾羅不入貢織染局中貢夏絹用直指使者印識

齊東野語紗之至輕者曰輕容唐類苑云輕容無花薄紗也李賀詩蜀烟飛重錦峽雨濺輕容是矣能改

些湯錄綿州巴西縣紗子一疋重二兩婦人製夏服
甚輕妙八子之一也白居易集元九以綠絲布白輕
裕見寄製成衣服以詩報之云綠絲文布素輕裕珍
重京華手自封貧友遠勞君寄附病妻親為我裁縫
袴花白似秋雲薄衫色喜於春草濃欲著却休知不
稱折腰無復舊形容時白在潯陽以成都為南京也
微之通州報詩云湓城萬里隔巴庸紵薄綈輕共一
封腰帶定知今瘦小衣衫難作遠裁縫惟愁書到炎
涼變忽見詩來意緒濃春草綠茸雲色白想君騎馬
好儀容

張君房麗情集灼灼者錦城官中妓御史裴質與之
善及裴召還灼灼每遣人以紅軟綃聚紅淚為寄
揚雄荅劉歆書雄常齋油素三尺問天下上計孝廉
異語歸以鉛擿次之於槧

晉陽秋曰桓溫入蜀有善星者來謁夜談國祚修短
不悅明日送綃一匹錢五千與之星詣習鑿齒曰賜
綃令僕自絞矣習曰君聞子知星宿有不覆之義乎
綃以戲君錢供資糧聽君去耳星人喜以言詣溫溫
嘆曰君三十年看儒書不如一詣習主簿

梁庾肩吾謝武陵王賚綃啓曰蒙賚綃二十匹清河

之珍丘園慙其束帛關東之妙潛織陋其卷綃下官
謬眷扁舟暫瞻遠旆而天人渥眄增餘論之榮江漢
安流無汭洄之阻遂使鶴霧宵凝輕絺立變鴈風轉
急冶服成溫有謝筆端無辭陳報。

段氏遊蜀記云果閬二州綃長五十尺重一斤其色
目鮮白寰宇記鶯溪綃出梓州玄武縣鶯溪杜詩為
愛鶯溪白繭光者也東坡謝魯叟州寄清絲詩鶯溪
清絲清如冰上有千歲交枝藤藤生谷底飽風雪歲
晚忽作龍蛇升嗟我雖為老侍從骨寒只愛布與繒
牀頭錦衾未還客坐覺芒刺在背膺豈如髯卿晚乃

貴福祿正似川方增醉中倒著紫綺裘下有半臂出
縹綾封題不敢妄裁翦刀尺自有佳人能遙知千騎
出清曉積雪未放游塵興白鬚紅帶柳絲下老弱空
巷人相瞪但放奇紋出領袖吾髯雖老無人憎

薛濤詩夾纈籠裙繡地衣東坡詩醉面何因散纈文
按說文纈結也繫彩繒為文也又薛洪度海棠溪詩
云春教風景駐仙霞水面魚身總帶花人世不思靈
卉異競將紅纈染輕紗舊染工有夾纈檀纈蜀纈漿
水纈三套纈綠絲斑纈諸名問之機坊不知也出丹
鉛錄

段氏遊蜀記云左綿緋紅三川所尚此郡有水所染
緋紅濯後益鮮高似孫緯略云少卿章岵常官于蜀
持吳羅綌綾至官與川帛同染紅後還京師經梅潤
吳翔之帛色皆渝變惟蜀者如舊後詢蜀人乃知蜀
之蓄蚕與他邦異當其眠將起時以桑灰煨之故宜
色然世之重川紅多以染之良蓋不知由蚕所致也
又云放翁常問余比在成都市時見絲帛鋪榜曰翠
色真紅殊不曉所謂紅而曰翠何也余曰稽康琴賦
曰新衣翠粲纓微流芳班婕妤自悼賦曰紛翠粲兮
紈素聲東坡牡丹詩一朵妖紅翠欲流皆有是稱放

翁擊節大喜老學菴筆記云予一日遊成都過木行街有大署市肆曰郭家鮮翠紅紫鋪問諸土人乃知蜀語鮮翠猶言鮮明也東坡詩一朵鮮紅翠欲流蓋用鄉語

黃山谷勸石洞道真師染袈裟頌丈夫出家當披壞色衣蜀僧袈裟多似苾芻尼輕羅縐縠染成春柳絲撩蜂引蝶唯欠遠山眉

張騫傳曰臣在大夏時見蜀布問之得自身毒國在大夏東南數千里鹽鐵論曰間者郡國或令民作布絮吏留難與之為市吏之所入非獨齊陶之緣蜀漢

之布也亦民間之所為耳

司馬相如凡將篇曰黃潤織美宜制禪言布也揚雄
蜀都賦曰其布則細都弱折綿繭成衽阿麗織靡避
晏與陰蜘蛛作絲不可見風筒中黃潤一端數金常
璩志蜀郡安漢上下朱邑出好麻黃潤細布有羌筒
盛之者矣

寰宇記漢州有彌牟布彌牟地名有交梭布即雙紉
布也益綿漢三州有高杼布果劔印有絲布漢州有
紵布紵猶絲也涪閬僻有連頭布獠布也竹布出黔
州斑布出昌廬及榮筒布出昌靜或云即幢布

華陽國志曰益州有梧桐木其華采如絲人績以為
布名曰華布按廣志曰桐木其葉有白毳取其毳淹
織緝以為布蜀都賦註檀花柔毳可紡為布巴蜀異
物志永寧夷人織桐花為布幅廣五尺以還潔白不
受汗始下機必以覆亡人而後服賣又云寧州孫人
能織闌干細布即紵布也其紋若綾錦然

紀勝云長寧軍清井夷人蠻布織梅聖俞春雪詩唐

子西贈瀘倅云寄語江陽夷貉道安排春織待

新篇

周書記火浣之布浣必投于火云布則火色垢則布
色出火而振之皎然疑乎雪丹鉛錄火浣布出蜀建

昌其白如雪出于石隙元史所謂石絨也

巴蜀異物志曰冒絮者頭上巾也冒音陌

益部耆舊傳曰何汶字景由為謁者忽持赤幘同僚
恠問之曰日當食至晡日果食按漢故事修省則執
事者皆赤幘云

三國志諸葛孔明以巾幘遺司馬懿巾幘女子未笄
之冠蜀中名曇籠蓋笑其堅壁不出如閨女之匿藏
也幘音憤同古對切今音與國同非

隋書竇軌遺朱桃椎以鹿幘委之地不服鹿幘隱士
巾也文彥博咏華陽巾詩華陽山相遺巾法蜀國烏

紗學製成公厭貂裘今已久定知野服稱高情註云
俗亦謂之隱士巾

蜀都賦鈇覘兼呈註覘音規裂帛為衣曰覘

帝王世紀云禹治水畢西戎渠搜國獻其珍裘

東觀漢記馬援入蜀公孫述令戴交讓冠與俱入宗
廟立舊交之位更為製都布單衣

白傅寄生衣與元微之因題封上云淺色縠紗輕似
霧紡花紗袴薄如雲莫嫌輕薄但知著猶恐通州熱
殺君又謝楊東川寄衣服詩年年衰老交遊少處處
蕭條書信稀唯有巢兄不相忘春茶未斷寄秋衣

范祖禹曰司馬溫公布衾隸書百有十字曰景仁惠者端明殿學士范蜀公所贈也元豐中公在洛蜀公自許往訪之贈以是衾先是高平公作布衾銘以戒學者公愛其文義取而書之衾首

褰宇記漢州遂州出苓根鞞鞋唐書朱桃椎絕人逃世每作草屨置路隅過者見之皆曰此朱山人屨也置錢米於故處乃取屨去

敘州出竹麻屨以慈竹絲為之竹當秋筍高數丈尾甚柔即釣絲竹也歷冬及春始葉葉左右並列如鳥翎狀初歲極嫩土人破為篾裂以成麻

魏文帝與王朗書曰丕不愛江漢之珠而愛巴蜀之鈎此言難得之貴寶不若易得之賤物也又荅先主惠鈎書曰獲累紙之命兼美之貺他既備善雙鈎尤妙前後之惠非賢兄之貢則執事之遺也

搜神記曰京兆長安張氏獨處室有鳩自外入止于牀祝曰鳩來為我禍飛上承塵為我福來入我懷已飛入懷探之失鳩所在而得一金帶鈎是後子孫過盛有為必偶貲財萬倍蜀客行賈至長安聞之乃厚賂婢婢竊鈎以與蜀客張遂漸衰耗而蜀客亦數罹窮厄不為已利或告之曰天命也不可以力求於是

齋鉤以反張氏張氏復昌故關西稱張氏傳鉤云
華陽國志涪陵出大龜其緣可作又世號靈又按說
文曰釵從金义聲本只作又後人加金也雲仙雜記
寶曆中西陽人見釣魚師得魚腦貫黃文愛而買歸
食至脊上出金釵一隻長六寸

魏略云劉備性好眊適有饋之牛尾者備手結之諸
葛亮曰將軍當復有遠志耶止結眊而已備乃投眊
曰以忘憂耳按韵寶眊音珥織羽為衣也諸葛亮與
吳王書云所送白眊薄少重見辭謝益以增慙

葛公荅李恢曰行當離別以為惆悵今致氍毹一以

達心也聲類云織毛為席曰襍華陽國志汶山郡
本蜀北部冉駹都尉北接蘭峒九種之戎有旄氍毹
蜀青頓髦毼之屬周涪陵地圖記云銅柱灘東有錦
繡洲以此洲人能織錦蜀也

蜀志簡雍性簡傲跌宕見客自諸葛亮已下則獨擅
一榻頂枕臥語無所為屈齊諧記武岡有幕官因鑿
渠得一瓦枕枕之聞其中鳴鼓起插一更至五更鼓
聲次第更轉不差既聞鷄鳴亦至三唱而曉抵暮復
然其人以為恠而碎之見其中設有機局以應夜氣
乃諸葛武侯鷄鳴枕也